

蘇東坡詩鈔

龜



東坡先生詩鈔

清 周之麟 雪蒼

全選

日本

朝川 鼎五鼎

松井元輔 長民

全校

五言律

正月一日雪中過淮謁客回作二首

十里清淮上長堤轉雪龍冰崖落屐齒風葉亂表茸萬  
頃穿銀海千尋渡玉峯從來修月手合在廣寒宮  
攢眉有底恨得句不妨清霽霧開寒谷饑鴉舞雪城橋  
聲春市散塔影暮淮平不用殘燈燭船窗夜自明

發廣州

朝市日已遠，此身良自如。三杯軟飽後，一枕黑甜餘。蒲  
澗疎鐘外，黃灣落木初。天涯未覺遠，處處各樵漁。

荊州

游人出三峽，楚地盡平川。北客隨南賈，吳檣間蜀船。江  
侵平野斷，風卷白沙旋。欲問興亡意，重城自古堅。  
朱檻城東角，高王此望沙。江山非一國，烽火畏三巴。戰  
骨淪秋草，危樓倚斷霞。百年豪傑盡，擾擾見魚蝦。  
江水深成窟，潛魚大似犀。赤鱗如琥珀，老蚌勝玻璃。上  
客舉雕俎，佳人搖翠篋。登庖更作器，何以免屠割。  
柳門京國道，驅馬及春陽。野火燒枯草，東風動綠芒。北

行連許鄧南，去極衡湘。楚境橫天下，懷王信弱王。

游鶴林招隱一首

郊原雨初霽，春物有餘妍。古寺滿修竹，深林聞杜鵑。睡  
餘柳花墮，日眩山櫻然。西窗有病客，危坐看香煙。

真覺院有洛花花時不暇往四月十八日與劉景  
文同往賞枇杷

綠暗初迎夏，紅殘不及春。魏花非老伴，盧橘是鄉人。盧  
也。枇杷井落依山盡，巖崖發興新。歲寒君記取，松雪看蒼  
鱗。

玉女洞

洞裏吹簫子終年守獨幽石泉爲曉鏡山月當簾鈎歲  
晚杉楓盡人歸霧雨愁送迎應鄙陋誰繼楚臣謳

倦夜

倦枕厭長夜小窻終未明孤村一犬吠殘月幾人行衰  
髮久已白旅懷空自清荒園有絡緯虛織竟何成

訪張山人得山中字二首

魚龍隨水落猿鶴喜君還舊隱丘墟外新堂紫翠間野  
麋馴杖履幽桂出榛菅灑掃門前路山公亦愛山  
萬木鎮雲龍名山天留與戴公路迷山向背人在瀼西東  
薺麥餘春雪櫻桃落晚風入城都不記歸路醉眠中

去歲與子野遊逍遙堂日欲沒因並西山即羅浮  
道院至巳二鼓矣遂宿于西堂今歲索居僂耳子  
野復來相見作詩贈之

往歲追歡地寒窻夢不成笑談驚半夜風雨暗長檠鷄  
唱山椒曉鐘鳴霜外聲只今那復見髣髴似三生

過淮贈景山兼寄子由

好在長淮水十年三往來功名真已矣歸計亦悠哉今  
日風憐客平時浪作堆晚來洪澤口捍索響如雷

凝祥池

似知金馬客時夢碧鷄坊冰雪銷殘臘烟波寫故鄉鳴

鑿自容與立馬久回翔乞與三韓使新圖到樂浪時高麗使  
在都下母至勝境輒圖畫以歸

次韻江晦叔二首

人老家何在龍眠雨未驚酒船回太白穉子候淵明幸  
與登仙郭同依坐嘯成小樓看月上劇飲到參橫  
鐘鼓江南岸歸來夢自驚浮雲世事改孤月此心明雨  
已傾盆落詩仍翻水成二江爭送客木杪看橋橫

爭劉本作爲

怡然以垂雲新茶見餉報以大龍團仍戲作小詩  
妙供來香積珍烹具大官揀芽分雀舌賜茗出龍團曉  
日雲菴暖春風玉殿寒聊將試道眼莫作兩般看

乘舟過賈收水閣收不在見其子二首

愛酒陶元亮能詩張志和青山來水檻白雨滿魚蓑淚  
垢添丁面貧低舉按蛾不知何所樂竟夕獨酣歌  
嫋嫋風蒲亂倚倚水荇長小舟浮鴨綠大杓瀉鵝黃得  
意詩酒社終身魚稻鄉樂哉無一事何處不清涼

新年四首

曉雨暗人日春愁連上元水生挑菜渚煙濕落梅村小  
市人歸盡孤舟鶴踏翻猶堪慰寂寞漁火亂黃昏  
北渚集羣鷺新年何所之盡歸喬木寺分占結巢枝生  
物會有役謀身各及時何當禁畢弋看引雪衣兒

小邑浮橋外，青山石岸東。茶槍燒後，有麥浪水前空。萬戶不禁酒，三年真識翁。結茆來此住，歲晚有無同。

荔子幾時熟，花頭今已繁。探春先揀樹，買夏欲論園。居士常攜客，參軍許叩門。明年更有味，懷抱帶諸孫。

獨遊富陽普照寺

富春真古邑，此寺亦唐餘。鶴老依喬木，龍歸護書連。筒春水遠出，谷曉鐘疎欲。繼江潮韻，何人為起予。

食荔支一首 并引

惠州太守東堂祠，故相陳文惠公堂。下有公手植荔支一株，郡人謂之將軍樹。今歲大熟，嘗啖之餘。

嘗劉本作賞

下逮吏卒，其高不可致者，縱猿取之。

丞相祠堂下，將軍大樹傍。炎雲駢火實，瑞露酌天漿。爛紫垂先熟，高紅掛遠揚。分甘徧鈴下，也到黑衣郎。

雨中看牡丹一首

霧雨不成點，映空疑有無。時於花上見，的皪走明珠。秀色洗紅粉，暗香生雪膚。黃昏更蕭瑟，頭重欲相扶。

過廣愛寺見三學演師觀楊惠之塑寶山朱瑤畫

文殊普賢三首

寓世身如夢，安閒日似年。敗蒲翻覆臥，破被再三連。勸客眠風竹，長齋飲石泉。回頭萬事錯，自笑覺師賢。

妙迹苦難尋，茲山見幾層。亂峯螺髻出，絕磴陣雲崩。措  
 意元同畫，觀空欲問僧。莫教林下意，終老嘆何曾。  
 朱瑤唐晚輩，瑤唐未人善畫世傳得法尚雄深。滿寺空  
 遺跡，何人識苦心。長廊欹雨脚，破壁撼鍾音。成敗無窮  
 事，他年復弔今。

宋復古畫瀟湘晚景圖三首

西征憶南國，堂上畫瀟湘。照眼雲山出，浮空野水長。舊  
 遊心自省，信手筆都忘。會有衡陽客，來看意渺茫。  
 落落君懷抱，山川自屈蟠。經營初有適，揮灑不應難。江  
 市人家少，烟村古木攢。知君有幽意，細細為尋看。

咫尺殊非少，陰晴自不齊。徑蟠趨後嶮，水會赴前溪。自  
 說非人意，曾經入馬蹄。他年遊宦處，應話劔山西。

次韻子由綠筠堂

愛竹能延客，求詩剩挂牆。風梢千纛亂，月影萬夫長。谷  
 鳥驚碁響，山峰識酒香。只應陶靖節，會聽北窗涼。

宿餘杭法喜寺後綠野亭望吳興諸山懷孫莘老

學士以下排律

徙倚秋原上，淒涼晚照中。水流天不盡，人遠思何窮。問  
 謀知秦過，餘艘始皇所舍舟也故名看山識禹功。西北有舟楫山堯時洪水繫舟山上  
 稻涼初吹蛤，柳老半書蟲。荷背風翻白，蓮腮雨退紅。追

遊慰遲暮覓句做兒童北望茗溪轉遙伶震澤通烹魚  
得尺素好在紫髯翁

紀行

壬寅二月有詔令郡吏分往屬縣減決囚禁自十  
三日受命出府至寶鷄號郿蓋屋四縣既畢事因  
朝謁太平宮而宿於南谿谿堂遂竝南山而西至  
樓觀大秦寺延生觀仙游潭十九日乃歸作詩五  
百言以記凡所經歷者寄子由

遠人罹水旱王命釋俘囚分縣傳明詔循山得勝遊蕭  
條初出郭曠蕩實消憂薄暮來孤鎮登臨憶武侯崢嶸

依絕壁蒼茫瞰奔流蒼茫兩字古人用之皆是平聲而  
先生所用乃是仄聲不知先生用

之所出以半夜人啼急橫空火氣浮天遙殊不辨風急

已難收曉入陳倉縣猶餘賣酒樓煙煤已狼籍吏卒尚

呀咻十三日宿武成鎮即俗所謂石鼻塞也云孔明所  
築是夜二鼓寶鷄火作相去三十里而見於武成

鷄嶺雲霞古龍宮殿宇幽南山連大散歸客走吾州欲

往安能遂將還為少留回趨西號道却渡小河洲聞道

磻溪石猶存渭水頭蒼崖雖有跡大釣本無鈎十四日  
自寶雞

行至號聞太公磻溪石在縣東南十里東去過郿塢孤城

象漢劉十五日至郿縣有董卓城誰言董公健竟復伍  
象長安俗謂之小長安

孚讎白刃俄生肘黃金謾似丘平生問太白一見駐行



騶鼓角誰能試風雷果致不巖崖已奇絕冰雪更凋鏤  
 春早憂無麥山靈喜有湫蛟龍懶方睡餅罐小容偷是  
 晚自郿起至青秋鎮宿道過太白山相傳云軍行鳴鼓  
 角過山下輒至雷雨山上有湫甚靈以今歲早方議取  
 之方言取龍二曲林泉勝三川氣象侔近山麩麥早  
 水謂之偷湫  
 臨水竹篁修十六日至盤屋以近山地美氣候殊早縣有官竹園十數里不絕先帝膺  
 符命行宮畫冕旒侍臣簪武弁女樂抱箜篌秘殿開金  
 鎖神人控玉蚪黑衣橫巨劍被髮凍雙眸十七日寒食行二十餘里朝謁太平宮二聖御容此宮乃太宗皇帝時有神降於道士張守真以告受命之符所為立也神封翊聖將軍有殿邂逅逢佳士相將弄綵舟投篙披綠荇濯足  
 亂清溝晚宿南谿上森如水國秋遶湖栽翠密終夜響

颺颺是日與監宮張杲之汎舟南谿遂留宿谿堂冒曉窮幽邃操戈畏炳彪

十八日循終南而西縣尉以甲卒見送或云近官竹園往往有虎尹生猶有宅老氏舊

停輶問道遺蹤在登山往事悠馭風歸汗漫閱世似蜉

蟬羽客知人意瑤琴繫馬鞦不辭山寺遠來作鹿鳴呦

帝子傳聞李唐玉真公主睿宗之女字持盈始封長昌縣主俄進號上清元都大洞三景師崑

堂髮像西王母姓縵其所居有玄碧之堂輕風幃幔卷落日髻鬟愁

入谷驚蒙密登坡費挽攬亂峯曉似槩一水澹如油中

使何年到金龍自古投朝廷遣內官投金龍于潭以祈禱千重橫翠石

百丈見游儵最愛泉鳴洞初嘗雪入喉滿筌雖可致洗

耳歎無由是日游崇聖觀俗所謂樓觀也乃尹喜舊宅山脚有授經臺尚在遂與張杲之同至大秦

東坡詩集 五言排律

寺早食而別有太平宮道士趙宗有抱琴見送至寺作  
鹿鳴之引乃去又西至延生觀觀後上小山有唐玉真  
公主修道之遺跡下山而西行十數里南入黑水谷谷  
中有潭名仙游潭上有寺三倚峻峰面清溪樹林深翠  
怪石不可勝數潭水以繩繩石數百尺不得其底以  
磔投之兩揚徐下食頃乃不見其清澈如此遂宿於中  
與寺寺中有飛女洞洞中有飛泉甚甘忽憶尋蟆培方  
明日以泉一瓶歸至郿又明日乃至府  
冬脫鹿裘山川良甚似水石亦堪儔惟有泉傍飲無人  
自獻酬昔與子由遊蟆培時方冬洞中溫溫如二三月

鬱孤臺

入境見圖畫鬱孤如舊游山為翠浪湧水作玉虹流日  
麗崆峒曉風酣章貢秋丹青未變葉鱗甲欲生洲嵐氣  
昏晨樹灘聲入市樓煙雲侵嶺路草木半炎州故國千

峰外高臺十日留他年三宿處準擬繫歸舟

鬱孤臺

再過虔州和前韻

吾生如寄耳嶺外亦閒游贛石三百里寒江尺五流楚  
山微有霰越瘴久無秋望斷橫雲嶠魂飛吃雪洲曉鐘  
時出寺暮鼓各鳴樓歸路迷千嶂勞生閱百州不隨猿  
鶴化甘作賈胡留祇有貂裘在猶堪買釣舟

白帝廟

公孫述據蜀自稱白帝改夔子國為白帝城

朔風吹入峽慘慘去何之共指蒼山路來朝白帝祠荒  
城秋草滿古樹野藤垂浩蕩荆江遠淒涼蜀客悲遲回  
問風俗淥泗閔興衰故國依然在遺民豈復知一方稱

吹王本劉本陳本並作催

都劉本作那

警蹕萬乘擁旌旗遠略初吞漢雄心豈在夔崎嶇來野  
廟閔默愧當時破甑蒸山麥長歌唱竹枝荆都真壯士  
吳村本經師失計雖無及圖王固已奇猶餘帝王號皎  
皎在門楣

雪後便欲與同僚尋春一病彌月雜花都盡獨牡  
丹在爾劉景文左藏和順閣黎詩見贈次韻答之  
殘花怨久病剩雨泣餘妍不見雙旌出空令九陌遷知  
君苦寂寞妙語嚼芳鮮淺紫從爭發浮紅任早薦天葩  
尚青萼國色待華顛載酒邀詩將臞儒不是仙

和霍太夫

文字先生飲

謂劉執中

江山清獻遊

清獻趙悅道也劉典刑趙二公皆知虔州

傳父老尊俎繼風流度嶺逢梅雨還家指麥秋自慙鴻

鴈侶爭集稻梁洲野澗橫雙練城堅聳百樓行看鳳尾

詔却下虎頭州

虎頭謂虔州

君意已吳越我行無去留歸途

應食粥乞米使君舟

趙德麟餞飲湖上舟中對月

老守惜春意主人留客情官餘閒日月湖上好清明新  
火發茶乳溫風散粥餉酒闌紅杏闌日落大堤平清夜  
除燈坐孤舟擘岸撐速君憤未墮對此月猶橫

次韻子由送趙屺歸觀錢塘遂赴永嘉

歸舟轉河曲，稍見楚山蒼。候吏來迎客，吳音已帶鄉。言從謝康樂，先獻魯靈光。已擊三千里，何須四十强。風流半刺史，清絕校書郎。到郡詩成集，尋溪水濺裳。芒鞋隨採藥，蠶紙記流觴。海靜蛟鼉出，山空草木長。宦遊無遠近，民事要更嘗。願子傳家法，他年請尚方。

城南縣尉水亭得長字

兩尉鬱相望，東南百步場。插旗蒲柳市，伐鼓水雲鄉。已作觀魚檻，仍開射鴨堂。全家依畫舫，極目亂紅粧。激激波頭細，疎疎雨脚長。我來閑濯足，溪漲欲浮牀。澤國山圍裡，孤城水影傍。欲知歸路處，葦外記風檣。

自礮溪往陽平憇於麻田青峯寺之下院翠麓亭

不到峯前寺，空來涓上村。此亭聊可喜，脩徑豈辭捫。谷映朱欄秀，山含古木尊。路窮驚石斷，林缺見河奔。馬困嘶青草，僧留薦晚飧。我來秋日午，旱久石牀溫。安得雲如蓋，能令雨瀉盆。共看山下稻，涼葉晚翻翻。

同王勝之游蔣山

到郡席不煖，居民空惘然。好山無十里，遺恨恐他年。欲歛南朝寺，同登北郭船。朱門收畫戟，紺宇出青蓮。夾路蒼髯古，迎人翠麓偏。龍腰蟠故國，鳥爪寄曾巔。山有鳥爪峯竹杪飛華屋，松根泫細泉。峯多巧障日，江遠欲浮天。略

行橫木橫秋水浮屠插暮煙歸來踏人影雲細月娟娟


至真州再和二首

老手王摩詰窮交孟浩然論詩會伴直話舊已忘年北  
上難陪驥東行且趕船離亭花映肉醉眼鷺窺蓮拖轉  
三山沒風回五兩偏荒祠過瓜步古甃墮松巔聞道清  
香閣新篔白玉泉莫教門掩夜坐待月流天小院檀槽  
闌空庭樺燭煙公詩便堪唱為付小嬋娟

迎劉本作逆

公顏如雪柏千載故依然笑我無根柳空中不待年肯  
留歸闕旆坐待迎風船特許門傳鑰那知箭起蓮相逢  
月上後小語坐西偏流落千帆側追思百尺巔躬耕懷

谷口水石羨平泉茆屋歸元亮霓裳醉樂天行聞宣室  
召歸近御鑪煙未用歌池上隨宜教李娟



東坡先生詩鈔

清 周之麟 雪蒼

全選

日本

朝川 鼎五 鼎

全校

柴升 錦川

松井元輔 長民

七言律

新城道中二首

東風知我欲山行，吹斷簷間積雨聲。  
嶺上晴雲披絮帽，樹頭初日掛銅鉦。  
野桃含笑竹籬短，溪柳自搖沙水清。  
西崦人家應最樂，煮葵燒笋餉春耕。

身世悠悠我此行，溪邊委轡聽溪聲。  
散材畏見搜林斧，疲馬思聞卷旆鉦。  
細雨足時茶戶喜，亂山深處長官清。

蘇劉本宋詩鈔  
宋詩百一  
鈔並作并

人間岐路知多少，試向桑田問耦耕。

與毛令方尉游西菩提寺二首

推擠不去已三年，魚鳥依然笑我頑。人未放歸江北路，天教看盡浙西山。尚書清節衣冠後，處士風流水石間。一笑相逢那易得，數詩狂語不須刪。

路轉山腰未足移，水清石瘦便能奇。白雲自占東西嶺，明月誰分上下池。黑黍黃粱初熟後，朱柑綠橘半甜時。人生此樂須天賦，莫遣兒郎取次知。

舟行至清遠縣見顧秀才極談惠州風物之美

到處聚觀香案吏，此邦宜著玉堂仙。江雲漠漠桂花濕。

未足宋詩欵  
唐宋詩醇並  
作足未

梅雨脩脩荔子然，聞道黃柑常抵鵲。不容朱橘更論錢，恰從神武來弘景，便向羅浮覓稚川。

十月二日初到惠州

彷彿曾遊豈夢中，欣然雞犬識新豐。吏民驚怪坐何事，父老相攜迎此翁。蘇武豈知還漠北，管寧自欲老遼東。嶺南萬戶皆春色，嶺南萬戶酒會有幽人客寓公。

過嶺二首

暫著南冠不到頭，却隨北鴈與歸休。平生不作兔三窟，今古何殊貉一丘。當日無人送臨賀，至今有廟祀湖州。劔關西望七千里，乘興真為玉局游。

晉瀛奎律髓  
作定幽作高

驚濤李律曠  
作飛

七年來往我何堪又試曹溪一勺甘夢裏似曾遷海外  
醉中不覺到江南波生濯足鳴空澗霧繞征衣滴翠嵐  
誰遣山雞忽驚起半崑花雨落毵毵

白塔舖歇馬

甘山廬阜鬱相望林隙熹微漏日光吳國晚蠶初斷葉  
占城早稻欲移秧迢迢澗水隨人急苒苒巖花撲馬香  
晚眼儘窮千里遠白雲深處是吾鄉

出潁口初見淮山是日至壽州

我行日夜向江海楓葉蘆花秋興長平淮忽迷天遠近  
青山久與船低昂壽州已見白石塔短棹未轉黃茆岡

相宋詩鈔作  
長熹微宋詩  
鈔唐宋詩  
並作依稀晚  
劉本宋詩鈔  
唐宋詩醇並  
作望窮宋詩  
鈔唐宋詩醇  
作從千里唐  
宋詩醇作飛  
鳥

波平風軟望不到故人久立煙蒼茫

初到黃州

自笑平生為口忙老來事業轉荒唐長江遶郭知魚美  
好竹連山覺筍香逐客不妨員外置詩人例作水曹郎  
只慙無補絲毫事尚費官家壓酒囊

天竺寺 并引

予年十二先君自虔州歸謂予言近城山中天竺二  
寺有樂天親書詩云一山門作兩山門兩寺元從  
一寺分東澗水流西澗水南山雲起北山雲前臺  
花發後臺見上界鐘清下界聞遙想吾師行道處



天香桂子落紛紛筆勢奇逸墨跡如新今四十七  
年予來訪之則詩已亡有刻石存耳感涕不已而  
作是詩

香山居士留遺跡天竺禪師有故家空詠連珠吟墨壁  
已亡飛鳥失驚蛇林深野桂寒無子雨泡山薑病有花  
四十七年真一夢天涯流落淚橫斜

雪後到乾明寺遂宿

門外山光馬亦驚階前屐齒我先行風花誤入長春苑  
雲月長臨不夜城未許牛羊傷至潔且看鴉鵲弄新晴  
更須攜被留僧榻待聽摧簷瀉竹聲

圓通禪院先君舊游也四月二十四日晚至宿焉  
明日忌日也乃手寫寶積獻蓋頌佛一偈以贈長  
老仙公仙拊掌笑曰昨夜夢寶蓋飛下着處輒出  
火豈此祥乎乃作是詩院有蜀僧宣逮事訥長老  
識先君云

石耳峰頭路接天梵音堂下月臨泉此生初飲廬山水  
他日徒參雪竇禪袖裏寶書猶未出夢中飛蓋已先傳  
何人更識嵇中散野鶴昂藏未是仙

竈山

我生飄蕩去何求再過龜山歲五周身行萬里半天下

僧臥一菴初白頭地隔中原勞北望潮連滄海欲東游  
元嘉舊事無人記故壘摧頽今在不

登玲瓏山

何年僵立兩蒼龍瘦脊盤盤尚倚空翠浪舞翻紅罷亞  
白雲穿破碧玲瓏三休亭上工延月九折巖前巧貯風  
脚力盡時山更好莫將有限趁無窮

宿九仙山

風流王謝古仙真一去空山五百春玉室金堂餘漢士  
桃花流水失秦人因眠一榻香凝帳夢遶千巖冷逼身  
半夜老僧呼客起雲峰缺處湧冰輪

寒食未明至湖上太守未來兩縣令先在

城頭月落尚啼烏烏榜紅舫早滿湖鼓吹未容迎五馬  
水雲先已颺雙鳧映山黃帽螭頭舫夾道青煙鵲尾爐  
老病逢春只思睡獨求僧榻寄須臾

惠州近城數小山類蜀道春與進士許毅野步會  
意處飲之且醉作詩以記適參寥專使欲歸使持  
此以示西湖之上諸友庶使知余未嘗一日忘湖  
山也

夕陽飛絮亂平蕪萬里春前一酒壺鐵化雙魚沉遠素  
劍分一嶺隔中區花曾識面香仍好鳥不知名聲自呼

夢想平生消未盡滿林煙月到西湖

正月二十一日病後述古邀往城外尋春

屋上山禽苦喚人檻前冰沼忽生鱗  
老來厭伴紅裙醉病起空驚白髮新  
臥聽使君鳴鼓角試呼稚子整冠巾  
曲欄幽榭終寒窘一看郊原浩蕩春

汎舟城南三首

城中樓閣似魚鱗不見清風起白蘋  
試選茗溪最深處仍呼我輩不羈人  
窺船野鶴何曾下見燭飛蟲空自馴  
遶郭荷花一千頃誰知六月下塘春  
苦熱誠知處處皆何當危坐學心齋  
海螯要共詩人把

溪月行遭霧雨霾鄉國飄零斷書信  
弟兄流落隔江淮便因築室茗溪上  
荷葉遮門水浸階

重游終南子由以詩見寄次韻

去年新柳報春回今日殘花覆綠苔  
溪上有堂還獨宿誰人無事肯重來  
古琴彈罷風吹坐山閣醒時月照杯  
嬾不作詩君錯料舊逋應許過時陪

惠山謁錢道人烹小龍團登絕頂望太湖

踏遍江南南岸山逢山未免更留連  
獨攜天上小團月來試人間第二泉  
石路縈回九龍脊水光翻動五湖天  
孫登無語空歸去半嶺松聲萬壑傳

免陳本作見

正月二十日往岐亭郡人潘古郭三人送余於女  
王坡東禪莊院

十日春寒不出門不知江柳已搖村  
稍聞泱泱流冰谷盡放青青沒燒痕  
數畝荒園留我住半瓶濁酒待君溫  
去年今日關山路細雨梅花正斷魂

正月二十日與潘郭二生出郊尋春忽記去年是  
日同至女王坡作詩乃和前韻

東風未肯入東門走馬還尋去歲村  
人似秋鴻來有信事如春夢了無痕  
江城白酒三盃釀野老蒼顏一笑溫  
已約年年為此會故人不用賦招魂

船趨風 并引

吳中梅雨既過颯然清風彌旬歲歲如此湖人謂  
之船趨風是時海船初回云此風自海上與船俱  
至云爾

三旬已過梅黃雨萬里初來船趨風幾處繫回度山曲  
一時清駛滿江東驚飄蔌蔌先秋葉喚醒昏昏嗜睡翁  
欲作蘭臺快哉賦却嫌分別問雌雄

和子由柳湖久涸忽有水開元寺山茶舊無花今  
歲盛開二首

太昊祠東鐵墓西一樽曾與子同攜  
回瞻郡閣遙飛檻

北望牆竿半，隱堤飯豆羹。藜思兩鵠飲，河喚水賴長。蛻  
如今勝事無人共，花下壺盧鳥勸提。

長明燈下，石欄干長共杉松。關歲寒葉厚，有稜犀甲健。  
花深少態，鶴頭丹久陪。方丈曼陀雨，羞對先生苜蓿盤。  
雪裏盛開，知有意明年開後，更誰看。

宋叔達家聽琵琶

數絃已品龍香撥，半面猶遮鳳尾槽。新曲翻從玉連鎖，  
舊聲終愛鬱輪袍。夢回只記歸舟字，賦罷雙垂紫錦條。  
何異烏孫送公主，碧天無際鴈行高。

刁景純賞瑞香花憶先朝侍宴次韻

上苑天桃自作行，劉郎去後幾回芳。厭從年少追新賞，  
閒對宮花識舊香。欲贈佳人非泛消，好紉幽佩弔沉湘。  
鶴林神女無消息，為問何年返帝鄉。

正月二十六日偶與數客野步嘉祐僧舍東南野  
人家雜花盛開扣門求觀主人林氏媪出應白髮  
青裙少寡獨居三十年矣感歎之餘作詩記之

縹帶繡枝出絳房，綠陰青子送春忙。涓涓泣露紫含笑，  
焰焰燒空紅佛桑。落日孤烟知客恨，短籬破屋為誰香。  
主人白髮青裙袂，子美詩中黃四娘。

臺頭寺步月得人字

風吹河漢掃微雲，步履中庭月趁人。泥泥爐香初泛夜，  
離離花影欲搖春。遙知金闕同清景，想見瓊車碾暗塵。  
回首舊遊真是夢，一簪華髮岸綸巾。

新釀桂酒

搗香篩辣入瓶盆，盎盎春溪帶雨渾。收拾小山藏社壑，  
招呼明月到芳樽。酒材已遣門生致，菜把仍叨地主恩。  
爛煮葵羹斟桂醕，風流可惜在蠻村。

庚辰歲正月十二日天門冬酒熟予自漉之且漉

且嘗遂以大醉二首

自撥牀頭一甕雲，幽人先已醉奇芬。天門冬熟新年喜

時疑詩

仍誠齋詩話  
漁隱叢話宋  
詩鈔唐宋詩  
醇並作還須  
誠齋詩話作  
將忽作仍臥  
聽山城宋詩  
鈔作坐教荒  
村

麴米春香並舍聞，菜園漸疎雲漠漠。竹屏斜掩雨紛紛，  
擁裘睡覺知何處。吹面東風散纈紋，  
載酒無人過子雲。年來家醞有奇芬，醉鄉杳杳誰同夢。  
睡息麴麴得自聞，口業向時猶小小。眼花因酒尚紛紛，  
點燈更試淮南語。汎溢東風有穀紋，淮南子東風至而酒汎溢

汲江煎茶

活水仍須活，火烹自臨釣石汲。深清大瓢貯，月歸春甕  
小杓分。江入夜瓶雪乳已翻煎，處脚松風忽作瀉時聲。  
枯腸未易禁三椀，臥聽山城長短更。

臥病逾月請郡不許復直玉堂十一月一日錄院

是日苦寒詔賜宮燭法酒書呈同院

微霰疎疎點玉堂詞頭夜下攬衣忙  
分光御燭星辰爛拜賜宮壺雨露香  
醉眼有花書字大老人無睡漏聲長  
何時却逐桑榆暖社酒寒燈樂未央

余去金山五年而復至次舊詩韻贈寶覺長老

誰能斗酒博西涼但愛齋厨法豉香  
舊事真成一夢過高談為洗五年忙  
清風偶與山阿曲明月聊隨屋角方  
稽首願師憐久客直將歸路指茫茫

贈惠山僧惠表

行遍天涯意未闌將心到處遣人安  
山中老宿依然在

案上楞嚴已不看欵枕落花餘幾片  
閉門新竹自千竿客來茶罷空無有  
盧橘楊梅尚帶酸

贈葛葦

竹椽茆屋半摧傾肯向蜂窠寄此生  
長恐波頭卷室去欲將船尾載君行  
小詩試擬孟東野大草閑臨張伯英  
消遣百年須底物故應憐我不歸耕

贈王子直秀才

萬里雲山一破裘杖端閒挂百錢游  
五車書已留兒讀二頃田應為鶴謀  
水底笙歌蛙兩部山中奴婢橘千頭  
幅巾我欲相隨去海上何人識故侯

贈楊耆并引

西蜀楊耆二十年前見之甚貧今復見之益貧所  
異於昔者蒼顏白髮耳女無美惡富者妍士無賢  
不肖窮者鄙使者逢時遇合豈必減當世之士哉  
頃宿扶風驛舍夜半逆旅有歌者其聲悲甚起問  
之蓋昔富今貧者余亦為悽然因飲之以酒而作  
此詩今日寒雨不止忽憶其事且念楊君之栖遲  
與逆旅者何異故出以與之

孤村微雨送秋涼逆旅愁人怨夜長不寐相看惟擿馬  
悲歌互答有寒醬天寒滯穗猶橫畝歲晚空機尚倚牆

悲歌宋詩鈔  
作愁吟

勸爾一杯聊復睡人間貧富海茫茫

丁公默送蝓蚌

溪邊石蟹小如錢喜見輪囷赤玉盤半殼含黃宜點酒  
兩螯斫雪勸加餐蠻珍海錯聞名久怪雨腥風入座寒  
堪笑吳興饒太守一詩換得兩尖團

送牛尾狸與徐使君時大雪中

風捲飛花自入帷一樽遙想破愁眉泥深厭聽鷄頭鶻  
蜀人謂泥滑滑為鷄頭鶻酒淺欣嘗牛尾狸洪州有牛尾狸肉甚美通印子魚  
猶帶骨印魚長一尺三寸額上四方如印披緜黃雀有字諸大魚應死者皆印封之  
多脂慙慙送去煩纖手為我磨刀削玉肌



泗州除夜雪中黃寔送酥酒

莫雪紛紛投碎米，春流咽咽走黃沙。  
舊遊似夢徒能說，逐客如僧豈有家。  
冷硯欲書先自凍，孤燈向事獨成花。  
使君半夜分酥酒，驚起妻孥一笑譁。

章錢二君見和復次韻答之

黃昏已作風翻絮，半夜猶驚月在沙。  
照汴玉峯明佛剎，隔淮雲海暗人家。  
來麴有信迎三白，語云欲宜麥見三白謂二度見雪也  
蒼蘆無香散六花。蒼蘆梔子花與雪花皆六出  
欲喚阿咸來守歲，林鴉櫪馬鬪喧譁。

程德孺惠海中柏石兼辱佳篇輒復和謝

嵐薰瘴染却膚腴，笑飲貪泉獨繼吳。  
未欲連車收薏苡，肯教沉網取珊瑚。  
不知庾嶺三年別，收得曹溪一滴無。  
但指庭前雙柏石，要予臨老識方壺。

中山松醪寄雄州守王引進

鬱鬱蒼髯千歲姿，肯來杯酒作兒嬉。  
流芳不待龜巢葉，千歲之龜其大如錢遊於蓮葉之上  
掃白聊煩鶴踏枝。  
醉裏便成欵雪舞，醒時與作嘯風辭。  
馬軍走送非無意，玉帳人間合有詩。

贈仲勉子文

雨昏南浦曾相對，雪滿荊州喜再逢。  
有子才如不羈馬，知君心似後凋松。  
閒看書冊應多味，老傍人門想更慵。

何日晴軒親筆硯一杯相屬更從容

宿水陸寺寄北山清順僧二首

草沒河堤雨暗村寺藏修竹不知門拾薪煮藥憐僧病  
掃地焚香淨客魂農事未休侵小雪佛燈初上報黃昏  
年來漸識幽居味思與高人對榻論

長嫌鐘鼓聒湖山此境蕭條却自然乞食遶村真爲飽  
無言對客本非禪披榛覓路衝泥入洗足關門聽雨眠  
遙想後身窮賈島夜寒應發作詩肩

寄呂穆仲寺丞

孤山寺下水侵門每到先看醉墨痕楚相未忘談笑是

雙陳本作霜

中郎不見典刑存杭有伶人善學呂舉錯酷似別後常令作之以爲笑君先去  
塵埃陌我亦來尋桑棗村回首西湖真一夢灰心雙鬢  
更休論

寄黎眉州

雪後疑後雪

膠西高處望西川應在孤雲落照邊瓦屋寒堆春雪後  
峨眉翠掃雨餘天治經方笑春秋學好士今無六一賢  
且待淵明賦歸去共將詩酒趁流年

寄留合刷餅與子由

老人心事日摧頽宿火通紅手自培小甑短餅良具足  
穉兒嬌女共燔煨寄君東閣閑蒸栗知我空堂坐畫灰

約束家僮好收拾故山梨棗待翁來

十二月十七日夜坐達曉寄子由

起雙宋詩醇作發

燈燼不挑垂暗檠香爐重撥尚餘熏清風欲起鴉翻樹  
缺月初升犬吠雲閉眼此心新活計隨身孤影舊知聞  
雷州別乘應危坐跨海清光與子分

乘疑駕

寄高令

滿地春風掃落花幾番曾醉長官衙詩成錦繡開胸臆  
論極冰霜繞齒牙別後與誰同把酒客中無日不思家  
田園知有兒孫委蚤晚扁舟到海涯

過密州次韻趙明叔喬禹功

唱對本作催

先生依舊廣文貧老守時遭醉尉嗔汝輩何曾堪一笑  
吾儕相對復三人黃雞唱曉淒涼曲白髮驚秋見在身  
一別膠西舊朋友扁舟歸釣五湖春

踏瀛全律體作路

次韻蔣穎叔錢穆父從駕景靈宮二首

歸來病鶴記城闌舊踏松枝雨露新半白不差垂領髮  
軟紅猶戀屬車塵雨收九陌豐登後日麗三元下降辰  
粗識君王為民意不才何以助精神  
與君並直記初元白首還同入禁門玉殿齊班容小語  
霜庭稽首法微溫病貪賜茗浮銅葉老怯香泉滲寶樽  
回首鵷行有人傑坐知羌虜是遊魂

次韻劉貢父省上

密雲今日破郊西，疎雨條條未作泥。要及清閒同笑語，行看衰病費扶攜。花前白酒傾雲液，戶外青驄響月題。不用臨風苦揮淚，君家自與竹林齊。

至濟南李公擇以詩相迎次其韻二首

弊表羸馬古河濱，野澗天低糝玉塵。自笑餐糲典屬國，來看換酒謫仙人。宦遊到處身如寄，農事何時手自親。剩作新詩與君和，莫因風雨廢鳴晨。

夜擁笙歌雪水濱，回頭樂事總成塵。今年送汝作太守，到處逢君是主人。聚散思量都是夢，身名漸覺老非親。

相從繼燭何須問，蝙蝠飛時日正晨。

次韻林子中蒜山亭見寄

奇逸多聞老敬通，何人慷慨解憐翁。十年簿領催衰白，一笑江山發醉紅。聞道賦詩臨北固，未應舉扇向西風。叩頭莫喚無家客，歸掃岷峨一畝宮。

玉堂栽花同正孺有詩次其韻

故山桃李半荒榛，粗報君恩便乞身。竹簟暑風招我老，玉堂花蕊為誰春。纖纖翠蔓詩催發，皎皎霜葩髮鬪新。只有來禽青李帖，他年留與學書人。

次韻王定國馬上見寄

昨夜霜風入袂衣曉來病骨更支離疎狂似我人誰顧  
軻坎憐君志未移但恨不攜桃葉女尚能來赴菊花時  
南臺一謝無人繼只恐君詩勝義熙

次韻王鞏顏復同泛舟

沈郎清瘦不勝衣邊老便便腹十圍躑躅身輕山上走  
懽呼船重醉中歸舞腰似雪金釵落談辯如雲玉塵飛  
憶在錢塘正如此回頭四十二年非

次韻王誨夜坐

愛君東閣能延客顧我閑官不計員策杖頻過如未厭  
卜居相近豈辭遷莫將詩句驚搖落漸喜樽罍省撲緣

但約月明池上宿夜深同看水中天

和歐陽少師會者堂次韻

一時冠蓋盡嚴終舊德年來豈易逢聞道堂中延蓋叟  
定應牀下拜梁松蠹魚自曬閑箱篋科斗長收古鼎鐘  
我欲棄官重問道寸筵何以得春容

會客有美堂周邠長官與數僧同汎湖往北山湖

中間堂上歌笑聲以詩見寄因和二首時周有服

周邠長官所寄簪履詩云堂上歌聲想過雲主人  
休整碧紗裙粧殘粉落臙脂暈飲劇杯深琥珀紋  
簪履定知高楚客笑談應好却秦軍  
莫辭上馬玉山倒已是遲留至夜分

藹藹君詩似嶺雲從來不許醉紅裙不知野屐穿山翠

惟見輕橈破浪紋，頗憶呼盧袁彥道。難邀罵坐灌將軍，晚風落日元無主。不惜清涼與子分。

載酒無人過子雲，掩關晝臥客書裙。歌喉不共聽珠貫，醉面何因作纈紋。僧侶且陪香火社，詩壇欲斂鶴鵝軍。憑君遍遶湖邊寺，漲綠晴來已十分。

病中獨遊淨慈謁本長老周長官以詩見寄仍邀

遊靈隱因次韻答之

周長官詩云放歸騶騎獨尋山直入青蘿翠靄間謝客杖藜方自適阮公蠟屐許誰攀何愁白髮能添老須信黃金不買閒應向林泉真得趣徜徉終日未還

臥聞禪老入南山，淨掃清風五百間。我與世疎宜獨往，

君緣詩好不容攀。自知樂事年年減，難得高人日日閒。欲問雲公覓心地，要知何處是無還。

景純見和復次韻贈之二首

解組歸來道益光，坐看百物自炎涼。捲簾堂上樽槽闌，送客林間樺燭香。淺量已愁當酒怯，非才尤覺和詩忙。何人貪佩黃金印，千柱耽耽瑣北岡。

人間膏火正爭光，每到藏春得暫涼。景純有多事始知藏春焉田舍好凶年，偏覺野蔬香。谿山勝畫徒能說，來往如梭為底忙。老去此身無處著，為翁栽插萬松岡。

和章七出守湖州二首

東坡詩抄

七言律

七

方丈仙人出渺茫，高情猶愛水雲鄉。功名誰使連三捷，  
身世何緣得兩忘。早歲歸休心共在，他年相見話偏長。  
只應未報君恩重，清夢時時到玉堂。

絳闕雲臺總有名，應須極貴又長生。鼎中龍虎黃金賤，  
松下龜蛇綠骨輕。君好爐火而餌茯苓霄水未渾纓可濯，弁峰初  
見眼應明。兩卮春酒真堪羨，獨佔人間分外榮。

和晁同年九日見寄

仰看鸞鵠刺天飛，富貴功名老不思。病馬已無千里志，  
騷人長負一秋悲。古來重九皆如此，別後西湖付與誰。  
遣子窮愁天有意，吳中山水要清詩。

次韻答邦直子由二首

老弟東來殊寂寞，故人留飲慰酸寒。草荒城角開新徑，  
雨入河洪失舊灘。車馬追陪跡未掃，唱酬往復字應漫。  
此詩更欲憑君改，待與江南子布看。

君雖爲我此遲留，別後淒涼我已憂。不見便同千里遠，  
退歸終作十年遊。恨無揚子一區宅，懶臥元龍百尺樓。  
聞道鵝鴻滿臺閣，網羅應不到沙鷗。

王鞏屢約重九見訪，既而不至，以詩送將官梁交，  
且見寄次韻答之。交頗文雅，不類武人家，有侍者  
甚慧麗。

東坡詩集  
知君月下見傾城，破恨懸知酒有兵。老守無何惟日飲，將軍競病自詩鳴。花枝不共秋斂帽，筆陣空來夜斫營。愛惜微官將底用，他年只好寫銘旌。

答王定民

開緘奕奕滿銀鈎，書尾題詩語更遒。八法舊聞宗長史，五言今復擬蘇州。筆蹤好在留臺寺，旗隊遙知到石溝。欲寄鼠須并繭紙，請君章草賦黃樓。

次韻王庭老退居見寄二首

浪蕊浮花不辦春，歸來方識歲寒人。回頭自笑風波地，閉眼聊觀夢幻身。北牖已安陶令榻，西風還避庾公塵。

陳玉琴集作

更搔短髮東南望，試問今誰裏舊巾。

接果移花看補籬，腰鎌手斧不妨持。上都新事長先到，老圃閑談未易欺。釀酒閉門開社甕，殺牛留客解耕縻。何時得見纖纖玉，右手持杯左手頤。

答仲屯田次韻

秋來不見漢陂岑，千里詩盟忽重尋。大木百圍生遠籟，朱絃三歎有遺音。清風捲地收殘暑，素月流天掃積陰。欲遣何人賡絕唱，滿階桐葉候蟲吟。

次韻杭人裴維甫

餘杭門外葉飛秋，尚記居人挽去舟。一別臨平山上塔，



君唐宋詩辭  
作吾

五年雲夢澤南州，淒涼楚些緣君發。邂逅秦淮爲子留，  
寄謝西湖舊風月。故應時許夢中遊。

次韻蔣穎叔

月明驚鵲未安枝，一棹飄然影自隨。江上秋風無限浪，  
枕中春夢不多時。瓊林花草聞前語，卷畫谿山指後期。  
豈敢便爲鷄黍約，玉堂金殿要論思。

和王旂

異時長怪謫仙人，舌有風雷筆有神。聞道騎鯨遊汗漫，  
憶曾捫蝨話悲辛。氣吞餘子無全目，詩到諸郎尚絕倫。  
白髮故交空掩卷，淚河東注問蒼旻。

嫋嫋春風送渡關，娟娟霜月照生還。遲留歲暮江淮上，  
來往君家伯仲間。未厭冰灘吼新洛，且看松雪媚南山。  
野梅官柳何時動，飛蓋長橋待子閒。

和人見贈

只寫東坡不著名，此身已是一長亭。壯心無復春流起，  
衰鬢從教病葉零。知有雪兒供筆硯，應嗤寵婦洗盆瓶。  
回來索酒公應厭，京口新傳作客經。

和田仲宣見贈

頭白江南醉司馬，寬心時復喚殷兄。寒潮不應淮無信，  
客路相隨月有情。未許低頭拜東野，徒言共飲勝公榮。

好詩惡韻那容和刻燭應須便置觥

和仲伯達

歸山歲月苦無多尚有丹砂奈老何  
繡谷只應花自染鏡潭長與月相磨  
君方傍海看初日我已橫江擊素波  
人不我知斯我貴不須雷雨起龍梭

次韻許遵

蒜山渡口挽歸艎朱雀橋邊看道裝  
供帳已慙煩百兩擊鮮無久溷諸郎  
問禪時到長干寺載酒閒過綠野堂  
此味只憂兒輩覺逢人休道北窗涼

次韻送徐大正

別時酒醖照燈花知我歸期漸有涯  
去歲渡江萍似斗今年並海棗如瓜  
多情明月邀君共無價青山爲我賒  
千首新詩一竿竹不應空釣漢江槎

次韻趙令樂

東坡已報六年穰惆悵紅塵白首郎  
枕上溪山猶可見門前冠蓋已相望  
故人年少真瓊樹落筆風生戰堵牆  
端向甕間尋吏部老來專以醉爲鄉

次韻周邠

南遷欲舉力田科三徑初成樂事多  
豈意殘年踏朝市有如疲馬畏陵坡  
羨君同甲心方壯笑我無聊鬢已皤

何日西湖尋舊賞，淡煙疎雨暗漁簑。

次韻錢穆父

老入明光踏舊班，染鬚那復唱陽關。故人飛上金鑾殿，  
遷客來從飯顆山大筆。推君西漢手，一言置我二劉間。  
便須置酒呼同舍，看賜飛龍出帝閑。

次韻答完夫穆父

二公自言先世同在西掖

掖垣老吏識郎君，並轡天街兩絕塵。汗血固應生有種，  
夜光那復困無因。豈知西省深嚴地，也着東坡病瘦身。  
免使謫仙明月下，狂歌對飲只三人。

次韻王定國倅揚州

此身江海寄天游，一落紅塵不易收。未許相如還蜀道，  
空教何遜在揚州。又驚白酒催黃菊，尚喜朱顏映黑頭。  
火急著書千古事，虞卿應未厭窮愁。

次韻張舜民自御史出倅虢州留別

玉堂給札氣如雲，初起湘纍復佩銀。樊口淒涼已陳迹，  
昔與張同遊武昌樊口來詩中及之班心突兀見長身。江湖前日真成夢，  
鄂杜他年恐卜鄰。此去若容陪坐嘯，故應客主盡詩人。  
僕領貢舉未出錢，穆父雪中作詩見及。三月二十

日同遊金明池始見其詩次韻為答

雪知我出已全消，花待君來未敢飄。行避門生時小飲，

東坡詩集  
忽逢騎吏有嘉招，魚龍絕枝來千里。斑白遺民數四朝，知有黃公酒壚在蒼頭。白髮自相遙。

次韻劉貢父春日賜幡勝

寬詔隨春出內朝，三軍喜氣挾狐貂。鏤銀錯落翻斜月，翦綵繽紛舞慶霄。臘雪強飛纔到地，曉風偷轉不驚條。脫冠徑醉應歸臥，便腹從人笑老韶。

葉公秉王仲至見和次韻答之

翠玉木劉本  
陳本並作歲  
衫絺方暑亦堪朝，翠曉淒風憶阜貂。共喜鴛鴦歸禁籞，心知日月在重霄。君如老驥初遭絡，我似枯桑不受條。強鑷霜須簪綵勝，蒼顏得酒尚能韶。

次韻答劉景文左藏

我老詩壇什鼓旗，借君佳句發良時。但空賀監杯中物，莫示孫郎帳下兒。夜燭催詩金燼落，秋芳壓帽露華滋。故應好語如爬癢，有味難名只自知。

次韻林子中王彥祖唱酬

早知身寄一漚中，晚節尤驚落木風。近華老公擇皆逝故有此語 昨

夢已論三世，事歲寒猶喜五人同。軾與子中彥祖于敦完夫同試舉人景德

寺今皆健 雨餘北固山圍座，春盡西湖水映空。差勝四明狂監在，更將老眼犯塵紅。

和陳傳道雪中觀燈

新年樂事歎何曾，閉閣燒香一病僧。未忍便傾澆別酒，且來同看照愁燈。鰕魚躍處新亭近，湖雪消時畫舫升。祇恐尊前無此客，清詩還有士龍能。

次韻林子中春日新堤書事見寄

東來寄食似孤雲，襆被真成一宿賓。收得玉堂揮翰手，却為淮月弄舟人。羨君湖上齋搖碧，笑我花時旣有塵。為報年來殺風景，連江夢雨不知春。來詩有芍藥春之此會用花十餘萬枝吏緣為奸民極病之故罷此會

詹守攜酒見過用前韻作詩聊復和之

箕踞狂歌老瓦盆，燎毛燔肉似羌渾。傳呼草市來攜客

灑掃漁磯共置尊，山下黃童爭看舞。江干白骨已銜恩

時詹方議葬暴骨

孤雲落日西南望，長羨歸鴉自識村。

次韻韶倅李通直

一篇瀧吏可書紳，莫向長沮更問津。老去常憂伴新鬼，歸來且喜是陳人。曾陪令尹蒼髯古，又見郎君白髮新。回首天涯一惆悵，却登梅嶺望楓宸。

和林子中待制

兩翁留滯各皤然，人笑迂疎老更堅。共把鷓夷一尊酒，相逢卯色五湖天。江邊遺愛啼斑白，海上先聲入管絃。早晚淵明賦歸去，浩歌長嘯老斜川。

次韻答李端叔

湖劉本作壹

若人如馬亦如班，笑履湖頭出玉關。已入西羌渡沙磧，  
又來東海看濤山。識君小異千人裏，慰我長思十載間。  
西省鄰居時邂逅，相逢有味是偷閒。

次韻曹輔寄壑源試焙新茶

仙山靈雨濕行雲，洗遍香肌粉未勻。明月來投玉川子，  
清風吹破武林春。要知冰雪心腸好，不是膏油首面新。  
戲作小詩君一笑，從來佳茗似佳人。

次韻完夫再贈之什，某已卜居毗陵，與完夫有廬里之約云

源玉琴集作

柳絮飛時筴籜斑，風流二老對開關。雪芽為我求陽羨，  
乳水君應餉惠山。竹簟涼風眠晝永，玉堂制草落人間。  
應容緩急煩閭里，桑柘聊同十畝閑。

壽州李定少卿出餞城東龍潭上

山鷓噪處古靈湫，亂沫浮涎遶客舟。未暇燃犀照奇鬼，  
欲將燒燕出潛蚪。使君惜別催歌管，村巷驚呼聚獲猴。  
北地他年頌遺愛，觀魚并記老莊周。

北劉本作此

杭州牡丹開時，僕猶在常潤，周令作詩見寄，次其韻，復次一首送赴闕

羞歸應為負花期，已見成陰結子時。與物寡情憐我老

遣春無恨賴君詩，玉臺不見朝酣酒。金縷猶歌空折枝，從此年年定相見。欲師老圃問樊遲，莫負黃花九日期。人生窮達可無時，十年且就三都賦。萬戶終輕千首詩，天靜傷鴻猶戢翼。月明驚鵲未安枝，君看六月河無水。萬斛龍驤到自遲。

送李供備席上和李詩

家聲赫奕蓋并涼也，解微吟錦瑟。傍擘水取魚湖起浪，引杯看劍坐生光。風流別後人人憶，才氣歸來種種長。不用更貪窮事業，風騷分付與沈湘。

送喬施州

恨無負郭田二頃，空有載行書五車。江上青山橫絕壁，雲間細路躡飛蛇。雞號黑暗通蠻貨，靈犀之角雞見其影則鳴故波斯謂牙爲白暗蜂鬧黃連採蜜花。共怪河南門下士，不應萬里向長沙。喬受知於吳丞相而施州風士大類長沙

臺頭寺雨中送李邦直赴史館

珥筆西歸近紫宸，太平典冊不緣麟。付君此事寧論晉，載我當時舊過秦。門外想無千斛米，墓中知有百年人。看君雙眼明如鏡，休把春秋坐素臣。

送鄭戶曹

遊遍錢塘湖上山，歸來文字帶芳鮮。羸童瘦馬從吾飲，

陋巷何人似子賢，公業有田常乏食。廣文好客竟無羶，東君不趁花時節。開盡春風誰與妍。

臺頭寺送宋希元

相從傾蓋只今年，送別南臺便黯然。此夜更歌金縷曲，他年莫忘角弓篇。三年不顧東鄰女，二頃方求負郭田。我欲歸休君未可，茂先方議斲龍泉。

寶山新開徑

藤梢橘刺元無路，竹杖櫻鞋不用扶。風自遠來聞笑語，水分流處見江湖。回觀佛骨青螺髻，踏遍仙人碧玉壺。野客歸時山月上，棠梨葉戰暝禽呼。

送蜀僧去塵

十年讀易費膏火，盡日吟詩愁肺肝。不解丹青追世好，欲將芹芷薦君盤。誰爲善相寧嫌瘦，復有知音可廢彈。拄杖挂經須倍道，故鄉春蕨已闌干。

座上復借韻送寺嵐軍通判葉朝奉

雲間踏白看纏旗，莫忘西湖把酒時。夢裏吳山連越嶠，尊前羌婦雜胡兒。夕烽過後人初醉，春雁來時雪未滋。爲問從軍真樂否，書來麤遣故人知。

行宿泗間見徐州張天驥次舊韻

三年三躡過淮舟，款段還逢馬少游。無事不妨長好飲，

三唐宋詩醇  
作二



東坡詩集  
著書自要見窮愁孤松早偃元非病倦鳥雖還豈是休  
更欲河邊幾來往祇今霜雪已蒙頭

八月七月初入顛過惶恐灘

七千里外二毛人十八灘頭一葉身山憶喜懽勞遠夢  
蜀道有錯喜歡地名惶恐泣孤臣長風送客添帆腹積  
鋪在大散關上雨浮舟減石鱗便合與官充水手此生何止略知津

和董傳留別

麤繒大布裹生涯腹有詩書氣自華厭伴老儒烹瓠葉  
強隨舉子踏槐花囊空不辦尋春馬眼亂行看擇壻車  
得意猶堪誇世俗詔黃新濕字如鴉

王子立去歲送子由北歸往返百舍今又相逢贛

上戲用舊韻作詩留別

米盡無人典破裘送行萬里一鄒游解舟又欲攜君去  
歸舍聊須與婦謀聞道年來丹伏火不愁老去雪蒙頭  
剝買山田添鶴口王子立住鶴田山廟堂新拜富民侯

姪安節遠來夜坐三首

南來不覺歲崢嶸坐撥寒灰聽雨聲遮眼文書元不讀  
伴人燈火亦多情嗟予潦倒無歸日令汝蹉跎已半生  
免使韓公悲世事白頭還對短長檠

心衰面改瘦崢嶸相見惟應識舊聲永夜思家在何處

今唐宋詩醇  
作今

殘年知汝遠來情，畏人默坐成癡鈍。問舊驚呼半死生，  
夢斷酒醒山雨絕。笑看飢鼠上燈檠。

落第汝為中酒味，吟詩我作忍飢聲。便思絕粒真無策，  
苦說歸田似不情。腰下牛閒方解佩，洲中奴長足為生。  
大弔一弛何緣毅，已覺翻翻不受檠。

錢安道席上令歌者道服

烏府先生鐵作肝，霜風卷地不知寒。猶嫌白髮年前少，  
故點紅燈雪裏看。他日上鄰先有約，待君投紱我休官。  
如今且作華陽服，醉唱儂家七返丹。

與述古自有美堂乘月夜歸

娟娟雲月稍侵軒，澌澌星河半隱山。魚鑰未收清夜永，  
鳳簫猶在翠微間。淒風瑟縮經絃柱，香霧淒迷著髻鬟。  
共喜使君能鼓樂，萬人爭看火城還。

十月十五觀月黃樓席上次韻

中秋天氣未應殊，不用紅紗照坐隅。山下白雲橫匹素，  
水中明月臥浮圖。未成短棹還三峽，已約輕舟泛五湖。  
為問登臨好風景，明年還憶使君無。

十二月十四日夜微雪明日早往南溪小酌至晚  
南溪得雪真無價，走馬來看及未消。獨自披榛尋履迹，  
最先犯曉過朱橋。誰憐破屋眠無處，坐覺村飢語不囂。

惟有暮鴉知客意驚飛千片落寒條

有以官法酒見餉者因用前韻求述古為移厨飲

湖上

喜逢門外白衣人欲膾湖中赤玉鱗遊舫已粧吳榜穩  
舞衫初試越羅新欲將漁釣追黃帽未要靴刀抹絳巾  
芳意十分強半在為君先踏水邊春

初自徑山歸述古召飲介亭以病先起

西風初作十分涼喜見新橙透甲香遲暮賞心驚節物  
登臨病眼怯秋光慣眠處士雲菴裏倦醉佳人錦瑟傍  
猶有夢回清興在臥聞歸路樂聲長

倦醉唐宋詩  
醉作醉倚

次韻述古過周長官夜飲

二更鏡鼓動諸鄰百首新詩間八珍已遣亂蛙成兩部  
更邀明月作三人雲烟湖寺家家境燈火沙河夜夜春  
曷不勸公勤秉燭老來光景似奔輪

述古以詩見責屢不赴會復次前韻

我生孤癖本無鄰老病年來益自珍肯對紅裙辭白酒  
但愁新進笑陳人北山怨鶴休驚夜南畝巾車欲及春  
多謝清詩屢推轂豨膏那解轉方輪來詩有雲霄蒲輪之句

蘇州閭丘江君二家雨中飲酒二首

小圃陰陰徧灑塵方塘漱漱欲生紋已煩仙袂來行雨

莫遣歌聲便駐雲肯對綺羅辭白酒試將文字惱紅裙  
今宵記取醒時節點滴空塔獨自聞  
五紀歸來鬢未霜十眉環列坐生光喚船渡口迎秋女  
駐馬橋邊問泰娘曾把四絃娛白傅敢將百草鬪吳王  
從今却笑風流守畫戟空凝宴寢香

聞喬太博換左藏知欽州以詩招飲

今年果起故將軍幽夢清詩信有神馬革裹尸真細事  
虎頭食肉更何人陣雲冷壓黃茆瘴羽扇斜揮白葛巾  
痛飲從今有幾日西軒月色夜來新

陳州與文郎逸民飲別攜手河堤上作此詩

從今玉琴集  
作會經

白酒無聲滑瀉油醉行堤上散吾愁春風料峭羊角轉  
河水眇然瓜蔓流君已思歸夢巴峽我能未到說黃州  
此生聚散何窮已未忍悲歌學楚囚

與潘三失解後飲酒

千金敝帚誰人買半額娥眉世所妍顧我自為都耗賤  
憐君欲鬪小嬋娟青雲豈易量他日黃菊猶應似去年  
醉裏未知誰得喪滿江風月不論錢

二月三日點燈會客

江上東風浪接天苦寒無奈破春妍試開雲夢羔兒酒  
快瀉錢塘藥玉船蠶市光陰非故國馬行燈火記當年

譚人王本劉  
本陳本並作  
入誰

奈宋詩鈔唐  
宋詩醇並作  
賴

東坡詩集  
冷烟濕雪梅花在，留得新春作上元。

與歐育等六人飲酒

忽驚春色二分空，且看樽前半丈紅。苦戰知君便白羽，倦遊憐我憶黃封。年來齒髮老未老，此去江淮東復東。記取六人相會處，引杯看劍坐生風。

小飲公謹舟中

青泥赤日午相烘，走扣船窗柳影中。輟我東坡無限睡，當君南浦不賁風。坐看邸報談迂叟，間說滁山憶醉翁。此去澄江三萬頃，只應明月照還空。

遊張山人園

壁間一軸烟蘿子，盆裏千枝錦被堆。慣與先生爲酒伴，不嫌刺史亦顏開。纖纖入麥黃花亂，颯颯催詩白雨來。聞道君家好井水，歸軒乞得滿瓶回。

與秦太虛參寥會于松江而關彥長徐安中適至

分韻得風字二首

吳越溪山興未窮，又扶衰病過垂虹。浮天自古東南水，送客今朝西北風。絕境自忘千里遠，勝遊難復五人同。舟師不會留連意，擬看斜陽萬頃紅。

二子緣詩老更窮，人間無處吐長虹。平生睡足連江雨，盡日舟橫壁岸風。人笑年來三黜慣，天教我輩一樽同。

知君欲寫長相憶更送銀盤尾鬣紅

次韻王定國得晉卿酒相留夜飲

短衫壓手氣橫秋更着仙人紫綺裘使我有名全是酒  
從他作病且忘憂詩無定律君應將醉有真鄉我可俟  
且倒餘樽盡今夕睡蛇已死不須鈎

九月二十日微雪懷子由弟

岐陽九月天微雪已作蕭條歲暮心短日送寒砧杵急  
冷官無事屋廬深愁腸別後能消酒白髮秋來已上簪  
近買貂裘堪出塞忽思乘傳問西琛

壬寅重九不預會獨遊普門寺舊閣有懷子由

花門酒美盍不歸來看南山冷翠微憶弟淚如雲不散  
望鄉心與鴈南飛明年縱健人應老昨日追歡意正違  
不問秋風強吹帽秦人不笑楚人譏

和子由澠池懷舊

人生到處知何似應似飛鴻踏雪泥泥上偶然留指爪  
鴻飛那復計東西老僧已死成新塔壞壁無由見舊題  
往日崎嶇還記否路長人困蹇驢嘶

七月二十四日以久不雨出禱礮溪宿號二十五  
日自號渡渭宿於僧舍曾閣閣故曾氏所建也夜  
久不寐見壁有前縣令趙薦留名有懷其人

流宋詩鈔唐  
宋詩醇並作  
留標作杓

龕燈明滅欲三更，欹枕無人夢自驚。  
深谷流風終夜響，亂山銜月半牀明。  
故人漸遠無消息，古寺空來看姓名。  
欲向磻溪問姜叟，僕夫屢報斗標傾。

常潤道中有懷錢塘寄述古二首

草長江南鷺亂飛，年來事事與心違。  
花開後院還空落，燕入華堂怪未歸。  
世上功名何日是，樽前點檢幾人非。  
去年柳絮飛時節，記得金籠放雪衣。  
杭人多以放  
鵲為太守壽

浮玉山頭日日風，即金山也湧金門外已春融。  
二年魚鳥渾相識，三月鶯花付與公。  
剩看新翻眉倒暈，當時新翻眉  
樣謂倒暈在  
橫雲卻月遠  
山峩眉之外未應泣別臉消紅。  
何人織得相思字，寄與

江邊北向鴻

捕蝗至浮雲嶺山行疲苦有懷子由弟

霜風漸欲作重陽，熠熠溪邊野菊黃。  
久廢山行疲犖确，尚能村醉舞淋浪。  
獨眠牀上夢魂好，回首人間憂患長。  
殺馬毀車從此逝，子來何處問行藏。

六年正月二十日復出東門仍用前韻  
四年是日  
至女王城

有作五年復於是日  
尋春故今詩為六年

亂山環合水侵門，身在淮南盡處村。  
五畝漸成終老計，九重新掃舊巢痕。  
豈惟見慣沙鷗熟，已覺來多釣石溫。  
長與東風約今日，暗香先返玉梅魂。

次韻答孫侔

十年身不到朝廷，欲伴騷人賦落英。但得低頭拜東野，不辭中路伺淵明。臙舟苔雪人安在，卜築江淮計已成。千里論交一言足，與君蓋亦不須傾。

次韻和王鞏

君家玉臂貫銅青，下客何時見目成。勤把鉛黃記宮樣，莫教絃管作蠻聲。薰衣漸歎衙香少，擁髻遙憐夜語清。記取北歸攜過我，南江風浪雪山傾。君自南江起，任不一過我。

贈梁道人

採藥壺公處處過，笑看金狄手摩挲。老人大父識君久。

魚劉本作漁

造物小兒如子，何寒盡山中無曆日。雨斜江上有魚簑，神仙護短多官府。未厭人間醉踏歌。

永和清都觀道士童顏鬢髮問其年生於丙子蓋

與予同求此詩

鏡湖勅賜老江東，未似西歸玉局翁。羈枕未容春夢斷，清都宛在默存中。每逢佳境攜兒去，試問行年與我同。自笑餘生消底物，半篙清漲百灘空。

九日尋臻閣黎遂泛小舟至懃師院二首

白髮長嫌歲月侵，病眸兼怕酒杯深。南屏老宿閑相過，東閣郎君懶重尋。試碾露芽烹白雪，休拈霜葉嚼黃金。



扁舟又截平湖去欲訪孤山支道林

湖上青山翠作堆葱葱鬱鬱氣佳哉笙歌叢裡抽身出  
雲水光中洗眼來白足赤髭迎我笑拒霜黃菊為誰開  
明年桑苧煎茶處憶着衰翁首重廻

樂全先生生日以鐵拄杖為壽二首

先生真是地行仙住世因循五百年每向銅人話疇昔  
故教鐵柱鬪清堅入懷冰雪生秋思倚壁蛟龍護晝眠  
遙想人天會方丈眾中驚倒野狐禪

二年相伴影隨身踏遍江湖草木春  
拋石舊痕猶在眼閉門高節欲生鱗  
畏塗自衛真無敵捷徑爭先却累人

遠寄知公不嫌重筆端猶是斡千鈞

孔長源挽詞

小堰門頭柳繫船小堰門杭州門也吳山堂上月侵筵湖聲半

夜千巖響詩句明朝萬口傳豈意日斜庚子後忽驚歲  
在巳辰年佳城一閉無窮事南望題詩淚灑巖

書普慈長老壁

普慈寺後千竿竹醉裡曾看碧玉椽倦客再遊行老矣  
高僧一笑故依然久叅白足知禪味苦厭黃公聒晝眠  
惟有兩株紅百葉晚來猶得向人妍

朝雲詩 并引

東坡詩集 七言律

世謂樂天有粥駱馬放楊柳枝詞嘉其主老病不忍去也然夢得有詩云春盡絮飛留不得隨風好去落誰家樂天亦云病與樂天相伴住春隨樊子一時歸則是樊素竟去也予家有數妾四五年相繼辭去獨朝雲者隨予南遷因讀樂天集戲作此詩朝雲姓王氏錢唐人嘗有子曰幹兒未暮而天

云

不似楊枝別樂天恰如通德伴伶玄阿奴絡秀不同老天女維摩總解禪經卷藥鑪新活計舞衫歌扇舊因緣丹成逐我三山去不作巫陽雲雨仙

似冷齋夜話作學恰如作且同阿奴作伯仁逐作隨

趙成伯家有麗人僕忝鄉人不肯開樽徒吟春雪美句次韻一笑

繡簾朱戶未曾開誰見梅花落鏡臺試問高吟三十韻何如低唱兩三杯莫言衰鬢聊相映須得纖腰與共回知道文君隔青瑣梁園賦客肯言才

和邵同年戲贈賈牧秀才二首

傾蓋相歡一笑中從來未省馬牛風卜鄰尚可容三徑投社終當作兩翁古意已將蘭楫珮招詞閑詠桂生叢此身自斷天休問白髮年來漸不公

朝見新萸出舊槎騷人孤憤苦思家五噫處士太窮約

言劉本宋詩鈔並作嫌肯宋詩鈔作敢

三賦先生多誕誇帳外鶴鳴，奩有鏡筒中錢盡，案無鮮玉川。何日朝金闕，白晝關門守夜叉。時賈欲再娶

張子野年八十五尚聞買妾，述古今作詩

錦里先生自笑狂，莫欺九尺鬢眉蒼。詩人老去鸞鴛在，公子歸來鸞鴛忙。柱下相君猶有齒，江南刺史已無腸。平生謬作安昌客，略遣彭宣到後堂。

贈張刁二老

兩邦山水未淒涼，二老風流總健強。共成一百七十歲，各飲三萬六千觴。藏春塢裡鶯花鬧，藏春刁公塢名仁壽橋邊日月長。仁壽橋張子野所居惟有詩人被磨折，金釵零落不成行。

梅王本劉本  
陳本唐末詩  
醉並作舞

章質夫送酒六壺書至而酒不達戲作小詩問之  
白衣送酒梅淵明，急掃風軒洗破觥。豈意青州六從事，化為烏有一先生。空煩左手持新蟹，漫遶東籬嗅落英。南海使君今北海，定分百榼餉春耕。章時為廣帥

元日過丹陽明日立春寄魯元翰  
堆盤紅饅細茵陳，巧與椒花兩鬪新。竹馬異時寧信老，土牛明日莫辭春。西湖弄水猶應早，北寺觀燈欲及辰。白髮蒼顏誰肯記，曉來頻嚏為何人。

次韻曾仲錫元日見寄

蕭索東風兩鬢華，年年幡勝翦宮花。愁聞塞曲吹蘆管，

喜見春盤得蓼芽近得會吾國舊供雲澤米定武齋酒用蘇州米君家新致雪坑茶坑茶燕南異事真堪記三寸黃柑擘永嘉

和子由寒食

寒食今年二月晦樹林深翠已生煙遶城駿馬誰能借到處名園意盡便但掛酒壺那計盞偶題詩句不須編忽聞啼鴉驚羈旅江上何人治廢田

立秋日禱雨宿靈隱寺同周徐二公

百重堆案掣身間一葉秋聲對榻眠牀下雪霜信戶月枕中琴筑落塔泉崎嶇世味嘗應遍寂寞山栖老漸便惟有憫農心尚在起瞻雲漢更茫然

憫唐宋詩辭作問瞻劉本唐宋詩辭並作占

九日次韻王鞏

我醉欲眠君罷休已教從事到青州鬢霜饒我三千丈詩律輸君一百籌聞道郎君閉東閣且容老子卜南樓相逢不用忙歸去明日黃花蝶也愁

次韻蘇伯固主簿重九

雲間朱袖拂雲和應是長松掛女蘿髻重不嫌黃菊滿手香新喜綠橙搓墨翻衫袖吾方醉紙落雲煙子思多只有黃雞與白髮玲瓏應識使君歌

雲烟玉琴余作烟雲髮漁隱叢話唐宋詩辭並作日

八月十七日天竺山送桂花分贈元素楊繪字元素皇祐五

年及第

東坡詩金  
月缺霜濃細藥乾，此花元屬桂堂仙。鷲峰子落驚前夜，蟾窟枝空記昔年。破裊高僧憐耿介，練裙溪女鬪清妍。願公採擷紛幽珮，莫遣孤芳老澗邊。

次韻王庭老和張十七九日見寄

霜葉投空雀啅籬，上樓筋力强扶持。對花把酒未甘老，膏面染鬚聊自欺。無事亦知君好飲，多才終恐世相縻。請看平日銜杯口，會有金椎爲控頤。

除夜野宿常州城外二首

行歌野哭兩堪悲，遠火低星漸向微。病眼不眠非守歲，鄉音無伴苦思歸。重衾脚冷知霜重，新沐頭輕感髮稀。

多謝殘燈不嫌客，孤舟一夜許相依。

南來三見歲，云徂直恐終身走。道塗老去怕看新曆日，退歸擬學舊桃符。煙花已作青春意，霜雪偏尋病客鬚。但把窮愁博長健，不辭最後飲屠酥。

寒食與器之游南塔寺寂照堂

城南鐘鼓鬪清新，端爲投荒洗瘴塵。總是鏡空堂上客，誰爲寂照境中人。紅英掃地風驚曉，綠葉成陰雨洗春。記取明年作寒食，杏花曾與此翁鄰。

留題延生觀後山上小堂

溪山愈好意無厭，上到巉巖第幾尖。深谷野禽毛羽怪。

上方仙子鬢眉纖不慚，弄玉騎丹鳳，應逐嫦娥駕老蟾。  
澗草巖花自無主，晚來胡蝶入疎簾。

樓觀

崇勝觀也乃尹喜舊宅俗謂之樓觀

鳥噪猿呼晝閉門，寂寥誰識古皇尊。  
青牛久已辭轅軻，白鶴來時訪子孫。  
山近朔風吹積雪，天寒落日淡孤村。  
道人應怪遊人衆，汲盡階前井水渾。

五郡

古觀正依林麓斷，居民來就木泉甘。  
亂溪赴渭爭趨北，飛鳥迎山不復南。  
羽客衣冠朝上象，野人香火祝春蠶。  
汝師豈解言符命，山鬼何知託老聃。  
觀有明皇碑言夢老子告享國長久

來時劉本作時來

之意

秀州報本禪院鄉僧文長老方丈

萬里家山一夢中，吳音漸已變兒童。  
每逢蜀叟談終日，便覺峨眉翠掃空。  
師已忘言真有道，我徒搜句百無功。  
明年採藥天台去，更欲題詩滿浙東。

夜至永樂文長老院文時臥病退院

夜聞巴叟臥荒村，來打三更月下門。  
往事過年如昨日，此身未死得重論。  
老非懷土情相得，病不開堂道益尊。  
惟有孤栖舊時鶴，舉頭見客似長言。

留題顯聖寺

東坡詩抄

七言律

四

渺渺疎林集晚鴉孤村煙火梵王家幽人自種千頭橘  
遠客來尋百結花浮石已乾霜後水焦坑閑試雨前茶  
祇疑歸夢西南去翠竹江村遶白沙

壽星院寒碧軒

清風肅肅搖窻扉窻前修竹一尺圍紛紛蒼雪落夏簟  
冉冉綠霧沾人衣日高山蟬抱葉響人靜翠羽穿林飛  
道人絕粒對寒碧為問鶴骨何緣肥

次韻劉燾撫句蜜漬荔枝

時新滿座聞名字別久何人記色香葉似楊梅蒸霧雨  
花如盧橘傲風霜每憐蓴菜下鹽豉肯與蒲萄壓酒漿

回首驚塵卷飛雪詩情真合與君嘗

次韻劉貢父西省種竹

要知西掖承平事記取劉那種竹初舊德終呼名字外  
後生誰續笑談餘成陰障日行當見取節供庖計已疎  
白首林間望天上平安待報故人書

玉盤盃二首 并序

東武舊俗每歲四月大會於南禪資福兩寺芍藥  
供佛而今歲最盛凡七千餘朵皆重跗累萼繁麗  
豐碩中有白花正圓如覆盃其下十餘葉稍大承  
之如盤姿格絕異獨出於七千朵之上云得之於

待劉本作時

城北蘇氏園中周宰相莒公之別業也而其名僅甚乃為易之

雜花狼籍占春餘芍藥開時掃地無兩寺粧成寶瓔珞  
一枝爭看玉盤盃佳名會作新翻曲絕品難尋舊畫圖  
從此定知年穀熟姑山親見雪肌膚

今劉本作令國作郭

花不能言意可知今君痛飲更無疑但持白酒勸佳客  
直待瓊舟覆玉斝負國相君初澤地看羊屬國首吟詩  
吾家豈與花相厚更問殘芳有幾枝

次韻和楊次公惠徑山龍井水

水洗病眼有効

漏盡鷄號厭夜行年來小器溢銚罌棄官縱未歸東海

罷郡猶堪作水衡幻色將空眼先暗勝遊無礙脚殊輕  
空煩遠致龍淵水寧復臨池似伯英

紅梅一首

怕愁貪睡獨開遲自恐冰容不入時故作小紅桃杏色  
尚餘孤瘦雪霜姿寒心未肯隨春態酒暈無端上玉肌  
詩老不知梅格在更看綠葉與青枝

雙石 并引

至揚州獲二石其一綠色岡巒迤邐有穴達於背  
其一正白可鑿漬以盆水置几案間忽憶在潁州  
日夢人請住一官府榜曰仇池覺而誦杜子美詩

正唐宋詩醇作玉



日萬古仇池允潛通小有天乃戲作小詩為僚友  
一笑

夢時良是覺時非汲水埋盆固自癡但見玉峯橫太白  
便從鳥道絕我眉秋風與作烟雲意曉日令涵草木姿  
一點空明是何處老人真欲住仇池

雪浪石

我頃三章乞越州欲尋萬壑看交流且憑造物開山骨  
已見天吳出浪頭石中有似海獸形狀履道鑿池雖可致玉川卷  
地若為收洛陽泉石今誰主莫學癡人李與牛

壺中九華

湖口人李正臣蓄異石九峯玲瓏宛轉若窻櫺然  
予欲以百金買之與仇池石為偶方南遷未暇也  
名之曰壺中九華且以詩記之

清溪電轉失雲峯夢裡猶驚翠掃空五嶺莫愁千嶂外  
九華今在一壺中天池水落層層見玉女窻明處處通  
念我仇池太孤絕百金歸買碧玲瓏

李願秀才善畫山以兩軸見寄仍有詩次韻答之  
平生自是箇中人欲向漁舟便寫真詩句對君難出手  
雲泉勸我早抽身年來白髮驚秋速長恐青山與世新  
從此北歸休悵望囊中收得武陵春

本唐宋詩醇  
作井

次韻周邠寄鴈蕩山圖二首

指點先憑採藥翁，丹青化出大槐宮。  
眼明小閣浮烟翠，齒冷新詩嚼雪風。  
二華行觀雄陝右，九仙今已壓京東。  
此生的有尋山分，已覺溫台落手中。  
西湖三載與君同，馬入塵埃鶴入籠。  
東海獨來看出日，石橋先去踏長虹。  
遙知別後添華髮，時向樽前說病翁。  
所恨蜀山君未見，他年攜手醉郫筒。

次韻子由書王晉卿畫山水一首而晉卿和二首  
誤點故教同子敬，雜篇真欲擬湯休。  
壠雲寄我山中信，雪月追君溪上舟。  
會看飛仙虎頭篋，却來顛倒拾遺裘。

王孫辨作玄真子，細雨斜風不濕鷗。

此景眼前聊妄想，幾人林下是真休。  
我今心似一潭月，君已身如萬斛舟。  
看畫題詩雙鶴鬢，歸田送老一羊裘。  
明年兼與士龍去，萬頃滄波沒兩鷗。

傅堯俞濟源草堂

微官共有田園興，老罷方尋隱退廬。  
栽種成陰十年事，倉皇求買萬金無。  
先生卜築臨清濟，喬木如今似畫圖。  
鄰里亦知偏愛竹，春來相與護龍雛。

刁同年草堂

不用長竿矯繡衣，南園北第兩參差。  
青山有約長當戶，

萬唐宋詩醉  
作百

流水無情自入池，歲久醱醑渾欲合。春來楊柳不勝垂，主人不用忽忽去。正是紅梅着子時。

寄題之景純藏春塢

白首歸來種萬松，待看千尺舞霜風。年拋造物陶甄外，春在先生杖履中。楊柳長齊低戶暗，櫻桃爛熟滴階紅。何時却與徐元直共訪襄陽龐德公。

雪後書北堂壁

黃昏猶作雨，纖纖夜靜無風勢。轉嚴但覺衾裯如潑水，不知庭院已堆鹽。五更曉色來書幌，半夜寒聲落畫簷。試掃北臺看馬耳，未隨埋沒有雙尖。

來瀛金律隨  
作侵

寄題興州晁太守新開古池

百畝新池傍郭斜，居人行樂路人誇。自言官長如靈運，能使江山似永嘉。縱飲座中遺白蛤，幽尋盡處見桃花。不堪山鳥號歸去，長遣王孫苦憶家。

留題仙遊潭中興寺東有玉女洞洞南有馬融讀書石室過潭而南山石益奇潭上有橋畏其峻不敢渡

清潭百尺皎無泥，山木陰陰谷鳥啼。蜀客曾遊明月峽，秦人今在武陵溪。獨攀書室窺巖竇，還訪仙姝款石闈。猶有愛山心未至，不將雙脚踏飛梯。

莘老葺天慶觀小園有亭北向道士山宗說乞名  
與詩

春風欲動北風微歸鴈亭邊送鴈歸蜀客南遊家最遠  
吳山寒盡雪先晞扁舟去後花絮亂五馬來時賓從非  
惟有道人應不忘抱琴無語立斜暉

泗州南山監倉蕭淵東軒二首

偶隨樵父採都梁南山名都梁山山竹屋松扉試乞漿

出都梁香故也

但見東軒堪隱几不知公子是監倉溪中亂石牆垣古  
山下寒蔬七箸香我是江南舊遊客掛冠知有老蕭郎  
北望飛塵若晝霾洗心聊復記東齋珍禽聲好猶思越

若宋詩欽唐  
宋詩醇並作  
苦

野橘香清未過淮有信微泉來遠嶺無心明月轉空塔  
一官倉庾真堪老坐看松根絡斷崖

講武臺南有感

山城九月冒朝寒講武臺南路屈盤驄子雨中乘馬去  
村童烟外倚牆看鴉啼冢木秋風急鷺立漁船夜水乾  
花似去年堪折贈插花人去淚闌干

題寶雞縣斯飛閣

西南歸路遠蕭條倚檻魂飛不可招野澗牛羊同鴈鶩  
天長草樹接雲霄昏昏水氣浮山麓沈沈春風弄麥苗  
誰便愛官輕去國此身無計老漁樵

和人假山

上黨攬天碧玉環絕河千里抱商顏試觀烟雨三峯外  
都在靈仙一掌間造物何如童子戲寫真聊發使君閒  
何當挈取西征去畫作圍牀六曲山

李鈐轄坐上分題戴花

二八佳人細馬馱十千美酒渭城歌簾前柳絮驚春晚  
頭上花枝奈老何露濕醉巾香掩冉日明歸路影婆娑  
綠珠吹笛何時見欲把斜紅插皂羅

和致仕張郎中春晝

投絨歸來萬事輕消磨未盡祇風情舊因蓴菜求長假

角玉本劉本

陳本宋詩鈔

唐宋詩醇並

下唐宋詩醇  
作上

新為楊枝作短行不禱自安緣壽骨深藏難沒是詩名  
淺斟杯酒紅生頰細琢歌詞穩稱聲蝸角卜居心自放  
蠅頭寫字眼能明盛衰閱過君應笑寵辱年來我亦平  
跪履數從圯下老逸書閑問濟南生東風屈指無多日  
只恐先春鴈鳴

只恐一作春春銀  
 孤臥燈殘夜不寐  
 夢魂飛入舊南窗  
 雨打芭蕉葉葉聲  
 空將兩耳聽  
 蘇軾詩集卷一

補注

補注  
別本宋詩  
舊注本

下

